

Edition Silvia Andrea herausgegeben von Christine Holliger und Maya Widmer

SILVIA ANDREA

FAUSTINE



ROMAN

Herausgegeben und mit einem Kommentar von Cordula Seger

GARBALD

CHRONOS

Cuverta dad in dals cudeschs.

MAD

# Fermas figuras femininas

## Preschentaziun da l'ovra da Silvia Andrea

■ (cc) A chaschun dal giubileum da 150 onns Villa Garbald a Castasegna ha il cussegl da fundaziun da la fundaziun Garbald puspè rendì accessibla ina schelta d'ovras da Silvia Andrea. L'ediziun che cumpiglia 4 toms è vegnida realisada grazia al grond sustegn dal chantun Grischun. Las ovras vegnan ussa preschentadas ed undradas en ina vernissascha en la Biblioteca chantunala dal Grischun a Cuira.

Silvia Andrea è in pseudonim da l'autura grischuna Johanna Garbald-Gredig (1840–1935). Ses romans e texts da prosa istorics davart differentas epocas da l'istorgia grischuna èn stads fitg apprezzads. Però er ses raquints curts e precis ch'ella ha publictà en emprima lingia en revistas litteraras han chattà gronda acoglientscha. Silvia Andrea è stada enconuschenta da ses temp lunsch sur ils cunfins da ses chantun d'origin or. Sco in fil cotschen ans accumpognan fermas figuras femininas tras sia ovra. Per l'ediziun cumpletta «Silvia Andrea: ovras tschernidas en quatter toms» èn responsablas Christine Holliger, manadra da la Biblioteca chantunala dal Grischun, e Maya Widmer, incumbensada per dumondas d'egualitad per la promoziun da la perscrutaziun dal Fond naziunal svizzer (FNS)/scienza da litteratura.

Johanna Garbald-Gredig e ses consort, il directur da duana da la Bregaglia Agostino Garbald, han laschè concepir Gottfried Semper, l'architect da l'edifizi principal da la SPF a Turitg, lur nov dachasa, la «Villa Garbald» da pli tard. Tar il relasch da la famiglia Garbald tutga ultra da quai ina biblioteca che cumpiglia 2000 toms. Quella è vegnida ordinada e cataloghisada sistematicamain sut la direcziun da la Biblioteca chantunala dal Grischun e po vegnir consultada sin dumonda en la Villa Garbald a Castasegna.

### L'ediziun cumpiglia las quatter suandantas publicaziuns:

- Silvia Andrea: Violante Prevosti. Roman istoric. Ed. e cun epilog da Maya Widmer. Chasa editura Chronos, 2014.
- Silvia Andrea: Das Bergell. Wanderungen in der Landschaft und ihrer Geschichte. Cun in epilog da Gian Andrea Walther. Chasa editura Chronos, 2014.
- Silvia Andrea: Faustine. Roman. Ed. e cun in commentari da Cordula Seger. Chasa editura Chronos, 2014.
- Silvia Andrea: Das eigene Ich und die grosse Welt. Texts da prosa e biografics. Chasa editura Chronos, 2014.

Vernissascha dal cudesch: mardi, ils 11 da mars 2014 a las 18.00 en la Biblioteca chantunala dal Grischun, Karlihofplatz, Cuira.